

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1763

[Caput I.]

[urn:nbn:de:bsz:31-295084](#)

posse fuderant; quodque temporibus eorum nondum invaluerat usus,
Domus Illustres gentilitium à Castro ut sibi sumerent nomen.

§. III.

Zaringiae castrum in promontanis Nigræ Silvæ
Brisgovicis, quæ Rhenum aspiciunt, supra vicum *Zeringen* situm
est. Friburgo duobus millibus passuum ad aquilonem distat. Ad
latus sunt Ferina, Ferentia & Gloteria valles. (a) Bertoldus II.
amisso Sueviæ Ducatu domicilium suum ex Neckergovicis in
Sueviæ meditullio terris, in Brisgovicas suas transtulisse, areemque
hanc extruxisse videtur, quum pater ejus Teccenes vel
Weilheimenes in Neckergovia, ut mox ostendemus, prætulerit.
A vico subjacente vicino, qui antiquior est Castro, (b) castrum
nomen accepit. (c) Unde evidens illorum error, qui ex

Castrum
Zaringen

F 2

(a) *Wildthal, Ferenthal & Gloterthal.*(b) Mentio vici *Zeringen* fit jam A. 1008. in diplomate Henrici II. Imp. quo
bannum ferarum Brisgovie dedit Ecclesie Basili.(c) Castrum satis mediocre, in cuius medio fuit turris rotunda, pinnata, in
tres cameras divisa. Duæ aperturæ versus occasum, quarum una porta
fuit, altera pinnis propior, duplex sed arcta fenestra, quæ fertiles illos
Brisgovie & Alsatiae campos aperuit. Circa turrim habitacula à longo
jam tempore destruēta sunt. Reformatus Burgundiæ, mox Zaringis con-
cessus, castri hujus impedivit augmenta. Maximam enim vitæ suæ
partem posteriores Bertoldi apud Helvetios transegerunt Burgundos.—

Carinthia nomine nomen *Zaringia* derivant, hocque ex illo prognatum & ore vulgi corruptum fuisse arbitrantur. (d)

§. IV.

Titulus
Ducalis.

Brisgoviae chartae, quae annum 1052. præcedunt, Bertoldum I. modo *Comitem* appellant.

Hoc Anno Henricus III. Imperator Sueviæ Ducatum ei regendum promiserat, si Otto de Schweinfurt, Dux senex, moreretur; annulum ei suum in promissi fidem servandum porrigens; (e) unde nudo axiomate *Ducis* in monumentis ornatum cœpit. In Charta sane A. 1052. qua S. Nicolai Capella in Eistett, Brisgoviae vico, instituitur, *Bertoldus Dux* cum *Comite Herimanno* occurrit. Zaringica & Lotharingica Domus Henricum III. benefactorem expertæ sunt. Favit Familiis ex Alsatia ortis. Utique quadriennii spatio Ducatum concessit. Lotharingiam Gerhardus A. 1048. accepit. Suevici Ducatus spes certa A. 1052. concessa Bertoldo, qui ab eo tempore titulo *Ducis* est usus.

Cum autem Caesar Anno 1056. & sequenti Otto Dux Suevorum obiissent, Bertoldus noster ab Agneta, impuberis

(d) ERASMUS FROELICH, in *Archontologia Carinthia* pag. 26. & Part. 2. Cap. 2. pag. 22. & 24. Zaringiam cum Carinthia confundit, omnes Bertoldos vanum *Ducis Carinthia* nomen accepisse scribens.

(e) ANNALISTA SAXO, CONRADUS URSPERGENSIS ad A. 1057. pag. 168.

Henrici IV. tutrice & matre, Sueviae Ducatum requirens, tulit repulsam. Illa enim, neglectis mariti defuncti promissis, filiam suam Mathildam Rudolpho, Rheinfeldae Comiti, in matrimonium dedit, generoque huic suo Ducatum Sueviae, praeterito Bertoldo, A. 1057. commisit, (f) atque triennio post, ut repararet injuriam, Ducatum Carinthiae Bertoldo concessit. (g)

§. V.

Carinthia veteris Norici pars, ut & Marchia Veronae, Carinthia
Ducatus
& Mar-
chiæ Ve-
ronæ. Bavarii Ducatus provinciae seculo X. censebantur.

Otto I. Germaniae Rex, Regnum Italiae A. 952. Germanico jungens, Marcam hanc ab Italiae regno avulsit, (h) Bavariaeque

F 3

(f) HERMANNUS CONTR. ANNALISTA SAXO, CHRONICA S. PANTALEONIS

ad A. 1057.

(g) HERMANNUS CONTR. ad A. 1060. „Conradus, qui Carentanis solo nomine „Ducis praefuit, moriens locum dedit: cuius Ducatum Bertholdus „Suevigena accepit.“ JOH. CHRISTOPHOR. PESLERUS, in serie *Ducum Carinthiae*, Hermanno male opponit LAMBERTUM SCHAFNAB. qui ad A. 1058. Conradi Ducis mortem refert.

(h) CONTINUATOR REGINONIS ad A. 952. & ex eo ANNALISTA SAXO apud ECCARD. *Scriptor. Germ.* Tom. I. col. 281. seq. ubi: „Berengarius „Italiam iterum dono & gratia Regis accepit regendam. Marca tantum „Veronenis & Aquilejensis excipitur, quae Henrico fratri Regis „(Bavariae Duci) committitur.“

adjecit. Avulsione hac vetera illa duo contra Germanos propugnacula Italiae, Veronensis & Aquilejensis Marcae, inverfo jam ordine, Germanica contra Italos propugnacula evaserunt. At circa A. 976. Carinthia cum Marcis his, a Bavariae Ducatu distracta, Duces peculiares accepit; (i) atque a Caesaribus Germanico Principi semper fuit commissa.

Anno 996. Otto Conradi, Dux Franciae Orientalis, & Luitgardae Ottonis I. Imp. filiae filius, Gregorii V. Papae pater, Marcam Veronensem servavit, ut Annales Hildesheimenses (l) loquuntur. Otto *Carentanorum Dux & Veronensium Comes*, ab Henrico II. Rege Rom. ut Germanis auxilium ferret, A. 1002. in Italiam missus est. (m)

Anno 1017. Adelpeyro (Adalbero) *Dux Marchia Carentanorum* in Judicio sedit. (n)

A. 1047. *Marchiam Veronensem* ab Henrico III. Imp. accepit Guelphus III. Cunigundae, quae Azoni Esteni nupferat,

(i) Prima fane Karentanorum Duciis A. 977. memoria occurrit in Ottonis II. Imp. diplomate, Aquilejae Patriarchae dato, ap. UGHELL. *Ital. sacr.* Tom. V. col. 46.

(l) LEIBNITII *Script. Brunsv.* Tom. I. p. 721.

(m) DITMARUS Lib. V. ap. LEIBNIT. loc. alleg. p. 370.

(n) MURATORII *Antiquit. Ital.* Tom. I. p. 170.

frater. (o) Obiit Guelfus hic A. 1055. improlis (*p*) successorem nactus Conradum, qui circa A. 1058. mortuus est, cui Bertoldus noster in Ducatu & Marchia A. 1060. Henrici IV. Imp. destinatione successit. (q)

§. VI.

Sed Bertoldina Carinthiae Ducatus & Marchiae Veronensis Zaringis epocha vix tredecim per annos duravit.
ablatus.

Seniori quidem Bertoldi I. filio, Bertoldo, non modo succedendi spem fecerat, sed & patre petente Ducatum administrandum jam concesserat Imperator; & tamen fidem, patri filioque datam deinceps fecellit.

Quum enim discordia ejus cum Saxoniae proceribus A. 1073. erupisset in bellum, animus ejus a Bertoldo nostro alienari visus est. Caesar cum sororio suo, Rudolpho, Duce

(o) ABBAS URSPERG. *Chron.* pag. 210. & MONACHUS WEINGART. in LEIBNIT. *Scriptor.* Tom. I. pag. 784. Ceterum in Veronenii Marchia comprehensus quoque fuerat Tarvisinus Comitatus, ab oppido Tarvisio nomen qui traxit; unde Marchia Veronensis quoque subinde *Tarvisia* nuncupatur. MURATOR. *Scriptor. Rer. Ital.* Tom. X. pag. 70. Ducatus Carinthiae, uti Bavanicus, Saxonius, Lotharingicus, singuli suam Marchiam, quandoque plures habuerunt.

(p) *Origines Guefficae Leibnitii &c.* Tom. II. pag. 233.

(q) HERM. CONTRACT. ad A. 1060. apud PISTOR. Tom. I. pag. 299.

Suevorum, per aliquod tempus discordiam aluerat, quam Agnes mater, inter filium generumque media, utcunque sopivit; donec nimia Henrici IV. in levissimum quemque hominem propensio plerorumque Procerum animos ab eo alienasset. (r)

Tum vero & aemulatio vetus, quam Sueviae Ducatus, Bertoldo eruptus, inter Rudolphum & Bertoldum excitaverat, imminui coepit. Utrique factus est Caesar exosus. Hie suspicionum & dissidentiae plenus Marchiam Veronae, Italiae clavem, una cum juncto ei Carinthiae Ducatu, turbis cum **Gregorio VII.** Pontifice ortis, Marchioni sibi addicto, committendam esse, consilio politico arbitratus est. Abstulit ergo Bertoldis Ducatum cum Marchia, (s) eosque Marquardo Eppensteinio, Adelberonis Ducis filio, (t) consanguineo suo, commisit, quod A. 1073. factum esse comperimus.

§. VII.

(r) **BERTOLDUS CONSTANT.** ad A. 1073. „Rudolfus Dux Alemanniae & „Bertolfus Dux Carinthiorum & Welph. Dux Bajoariae, a Rege Henrico „discesserunt: quia aliis subeuntibus consiliariis, suum consilium apud „Regem non valere perspexerunt.

(s) **LAMBERTUS SCHAFFNABURG.** ad A. 1073. **FROELICH** *Archontolog.* Cap. II. pag. 24.

(t) **ANNALISTA SAXO** ad A. 1057. & qui eum sequitur, **CONRADUS URSPERG.** ad A. 1074. novum Carinthiae Ducem Ludolphum vocant consanguineum Caesaris;

§. VII.

Idem fatum jam triennio ante expertus est illustris Dux Otto, ex Comitibus de Northeim, cui Bavariae Ducatum Imperator ademit. Otto Ducatu privatus, titulum tamen Ducis servavit. (u) Eodem modo Bertoldus pater, & filius ejus Bertoldus, *Ducis* titulum, amissio quoque Ducatu cum Marchia, retinuerunt. (x)

Manente
eis Du-
cum Ti-
tulo.

Caesaris; sed Luitolifum hunc, Marquardi filium, A. 1077. demum patri in Carinthiæ successisse Ducatu, docuit FROELICH in *Archontologia Carinthiæ* pag. 24. Ulricus, Marquardi quoque filius, a Monachis Sangallenibus A. 1077. electus est Abbas & ab Henrico IV. confirmatus. Conf. BRUSCHII *Chronologia Monasteriorum*. Germ. pag. 419. VALVASOR in *Topographia Carinthiæ* pag. 2. periodum hanc Praefecturæ Carinthiæ octavam & Zaringicam vocat.

(u) LAMBERT. SCHAFFNABURG. ad A. 1070. sqq. BRUNO in *Histor. Belli Saxon.* pag. 106. CHRON. MONASTERII MELLICENSESIS Anno 1071. in HIER. PETZII *Scriptorib. Rer. Austriae.* Tom. I.

(x) Fallitur OTTO FRISING. Lib. I. c. 9. & post eum ANONYMUS fragmenti historici apud URSTISIUM auctor, pag. 84. scribentes, Bertoldos Duces fuisse dictos, nullum licet unquam habuerint Ducatum, „nisi quis „Ducatum esse dicat Comitatum inter Juram & montem Jovis: vel a „Ducatu Carentano, quem nunquam habuerunt, Ducis eos nomine „honorandos contendat.“

Carentanum Ducatum per totos 13. annos rexere Bertoldi, quod ignoravit Otto Frising. & qui eum fecutus est, Albertus Arg. Omnes

G

Scriptores & Chartæ titulo hoc eos ornarunt; nisi quod Burkhardus ineunte sec. XIII. S. Galli Monachus, (y) quod Abbatiae huic arma intulerant, Bertoldis infensus, eos appellat *Marchiones*.

Titulus hic in Marchia Veronensis, à Bertoldo I. administratæ, memoriam filio ejus natu minori, Hermanno I. adhæsit; qui **BERTHOLDO CONSTANTIENSI** (z) teste, Cluniaci Anno 1074. decepsit. Enimvero quid usitatus, quam ut pater, Ducatus & Marchionatus possessor, dignitatum suarum nomina inter filios dividat? Quid frequentius, quam ut principes viri, dignitatibus amissis nomina tamen earum sibi semper conservent?

Lambertus Schaffnaburgensis, qui haec omnia exponit & vidit, Bertoldum, amissò Ducatu, vel simpliciter *Ducem*, vel *Ducem Carentinorum* constanter appellat. Altioribus in Suevia Guelphis, Zaringorum amicis, qui solium Imperii deinceps affectarunt, axioma Ducale ab administrato quoque aliquandiu Carinthia Ducatu adhæsit; quum ante in Dynastiarum modo & Comitum classe censerentur.

illas terras inter Juram & montem Jovis, quas Conradus Dux Zaringæ ejusque filius Bertoldus IV. & nepos Bertoldus V. tenuerunt, Comitatum appellat, quæ splendidum Ducatum magnamque Transjurani Burgundie Regni partem composuerunt. Add. **FROELICH** *Archontologia Carinthia* pag. 3.

(y) *De Casibus Monasterii S. Galli*, Cap. VII. in *Scriptoribus Rer. Alam.*
GOLDASTI Part. I.

(z) *Chron. ad A. 1074.*

§. VIII.

Atracitatem injuriæ, Bertoldo illatæ, denique senserat Cæsar, atque hinc Hartesburgi apud Saxones, ubi Bertoldus eum adiit, variis sermonibus animum ejus demulcens, persuadere ei studuit, Marquardum, quem ineptissimum hominem vocavit, se inscio, Principibus insciis, invasisse Carinthiam, nihilque adeo de jure suo amisisse Bertoldum. Petit ergo ab eo Cæsar, ut cum Episcopis Citicensi & Osnabrugensi se ad Saxones conferat, illosque ad pacem inducat. Bertoldus ad hoc negotium præ aliis idoneus fuit; vir summae prudentiæ & popularis eloquentiæ, ut **LAMBERTUS** testatur. (a)

Bertol.
di I. Acta
A. 1073.

Ille Cæfaris astutiam licet optime noſſet, ejus tamen ſatis fecit petito. Saxones ad omnia erant proclives, ſi arces, in Saxoniam exſtruſtas deſtruueret Cæſar; qui petitum pertinaciter recuſavit; unde omnis pacificatio facta eſt irrita. Ab eo tempore communia cum Rudolpho, Sueviæ Duce, Cæſaris affine & adverſario, confilia agitavit Bertoldus.

Amicitiæ vinculum matrimonio roboratum. Filius Bertoldi filiam Rudolphi Agnetem duxit uxorem. Inter hæc Regengerus

G 2

(a) LAMBERT. SCHAFFNAB. ad A. 1073.

quidam, Cæsaris familiaris, Rudolpho & Bertoldo Ducibus detulit, à Cæsare vitæ eorum insidias strui. Delatio, seu vera, seu ficta, movit eos, ut de Cæsare deponendo agitarent consilia, quæ tamen obtestationibus atque promissis Henricus aliquamdiu avertit. Eventus hi sunt Anni 1073. quo Ducatus Carinthiae Bertoldo ereptus. Neque tamen Bertoldus atque Rudolphus consilia hæc agitaverant soli. Moguntinus, Coloniensis, Argentiniensis & Wormatiensis Præfules; Bavariae, Lotharingiae & alii Duces junxerant sua. (b)

§. IX.

Acta A.
1075.

Anno 1075. Gregorius VII. Rudolpho Sueviæ Duci, & Bertoldo nostro literas scripsit, quibus eos, ne simoniæ reos recipiant, hortatur. (c) In literis his *carissimum D. Petri filium* appellat Rudolphum. Tum vero novi quoque in Saxonia motus, quum fuissent exorti, Saxones denuo legatos ad Rudolphum &

(b) LAMBERT. SCHAFFNAB. ad A. 1074.

(c) Lib. II. *Epistolarum Gregorii VII.* n. 45. in ACTIS CONCIL. Tom. X. & PAULUS BERNRIEDENSIS in *Vita Gregorii VII.* Cap. 39. apud MABILLON *Vitæ Sanctor. Ord. S. Benedicti.* Sec. VI. Part. II. pag. 422. & MURATOR. *Scriptor. Rer. Italicar.* Tom. III. pag. 326. HUGO FLAVINIACENSIS Part. II. *Chron. Virid.* apud LABBEUM *Bibl. nova Mjct.* Tom. I, pag. 211.

Bertoldum Duces, opem eorum contra Cæfarem imploratuos miserunt. Sed quum paulo ante cum Cæfare in gratiam rediissent, arma sua cum eo contra Saxones junxerunt.

Hi vieti & ad Unstrutum prostrati sunt. Sed nescio qui factum, ut Rudolphus atque Bertoldus ex præliis reversi, animum mutarint; contra Saxones non amplius se pugnaturos professi.^(d) Novæ ergo Henrici Cæfaris expeditioni, quam mense Octobri ejusdem anni in Saxoniam susceperebat, neuter accessit; sed habito cum Saxonibus consilio, denique perfecerunt, ut hi discedentes à bello, Henrici Regis potestati se permitterent; Rex vero copiis dimissis, Saxones in gratiam reciperet. Multos ex illis tum per Germaniam distributos, & Principibus hinc inde in custodiam traditos vixisse, retulit BRUNO. ^(e) Unde in Charta donationis, Monasterio S. Blasii eo tempore factæ, quam Henricus V. Imp. Anno 1125. Argentinæ confirmavit, ^(f) plures Saxoniæ Principes cum Rudolpho Duce de Rinvelden, & Bertoldo nostro Duce occurruunt.

G 3

(d) BRUNO de Bello Saxonico apud FREHER. Tom. I. pag. 194. ANNALISTA SAXO ad A. 1075.

(e) Loc. alleg.

(f) HERRG. Tom. II. pag. 138.

§. X.

Deficit
ab Hen-
rico IV.
Imp.

Anno 1076. in Procerum Conventu, (g) de pace concilianda deliberantium, primo iterum loco Rudolphus, Dux Suevorum, Welfus, Dux Bajoariorum, & Bertoldus, Dux Carentinorum, nominantur, qui haud diu post Ulmæ ejusdem rei causa convenerunt, de publica quiete semper solliciti; nondum tamen Cæsaris hostes aperti. (h) Eodem anno Cæsar Rudolpho & Bertoldo Ducibus, quos præ cæteris habebat contrarios, graves infidias struxit; (i) unde hi Anno 1077. non tantum Regi petenti denegarunt auxilia, (l) sed & in Italiam profecturo aditus omnes clauerunt, ut ab introitu eum prohiberent. Via tamen per Burgundiam Transjurana sumta in Italiam pervenit Cæsar, ibique cum Gregorio VII. reconciliatus; brevi post denuo ejus factus est hostis. Germani ergo à Pontifice instigati, Rudolphum, Sueviæ Ducem, Anti-Cæsarem elegerunt; (m) Bertoldo nostro electionem promovente; qui Rudolpho constanter adhaesit. Rudolphus in Regem electus, solennem Gregorio VII. Pont.

(g) BERTHOLD. CONSTANT. A. 1076.

(h) LAMBERTUS loc. alleg.

(i) BRUNO de Bello Saxonico pag. 196.

(l) CHRON. CITIZENSE apud PISTOR. Tom. I. pag. 1144.

(m) BERTHOLDUS CONSTANT. & ANNALISTA SAXO. ad A. 1077.

nuntium destinavit, plura ei promittens, quorum in fidem filium ipse suum Rudolphum, ut & Ducis Bertoldi filium, obsides Gregorio obtulit. (n)

§. XI.

Cæsar, plenus irarum, Bertoldi nostri terras invasit, & Comitatum Provincialem Brisgoviae, (o) ab eo huc usque possellum, Wernhero II. Episcopo Argentinensi, strenuo affeclæ suo, qui Monasterium Hirsaugiense, refractarium Cæsari, evertere voluerat, donavit. (p)

(n) Conf. Oratio Gregorii VII. in Concilio Romano habita Anno 1080. in ACTIS CONCIL. Tom. X. pag. 383. & PAULUS BERNRIED. Cap. 107. apud MABILLON *Vita Sanctor.* Sec. VII. Part. II. pag. 346. ut & HUGONEM FLAVIN. *Chron. Virid.* Part. II. apud LABBEUM *Bibl. nova Mscia* Tom. I. pag. 223. Idem postea repetitum est in Concilio Würzburghensi, eodem anno a Legatis Gregorii VII. Pont. habito. ACTA CONCIL. loc. alleg. pag. 385.

(o) Comitatus hic in Brisgovicis septem Chartis seculi XI. apud HERRA. occurrit.

(p) Autographum donationis, Anno 1077. factæ, aurea bulla munitum in Episcopali Tabulario extat Tabernis Alfaticis. Vid. infra in Landgraviatu Brisgoviae.

Fallitur PESLERUS in Serie *Ducum Carinthia* §. 9. existimans Bertoldum I. avitis quoque & patrimonialibus terris fuisse spoliatum, quem Comitatus ille, quo eum Imperator exuerat, ipse Comitatus Provincialis Brisgoviae fuerit.

Cæsaris
vindiæta.

Ita Bertoldus, Ducatu Carinthiæ & Marchionatu Veronæ, Anno 1073. & Landgraviatu Brisgoviae Anno 1077. privatus, in possessione Dominiorum & Dynastiarum permanxit, quas avito & patrimoniali, adeoque hereditario jure possederat; quibus Cæsar eum privare non ausus est. Infelix hic annus vitæ ejus quoque fuit fatalis.

§. XII.

Bellum
S. Galli.

Tum temperis quoque bellum geslit cum Udalrico III. S. Galli Abate, Marquardi illius, cui Carinthiæ Ducatum, Bertoldo ablatum, Cæsar commiserat, filio, qui Henrici IV. partibus contra Rudolphum Suevum & Bertoldum nostrum adhæsit. In bello hoc expugnatis Zimbre & Wisneck Castris, bona S. Galli per Brisgoviam & Silvam Nigram universa Bertoldus occupavit. (q)

Cœnob.
Weil-
heim.

Neque tamen tot inter turbas civiles Bertoldus oblitus fuit rerum sacrarum. Weilhemii enim apud Stievos, in Tractu Teccensi

(q) BURCKHARDUS de *Caibus Monasterii S. Galli* Cap. VII. apud GOLDASTUM Scriptor. *Rerum Alem. Tom. I.* pag. 68. & GALLUS OEHEMIUS in *Chron. Mct. Augiaæ Divitis ad A. 1077.* Uterque Scriptor Bertoldum I. Carinthiæ Ducem & filium ejus Bertoldum II. *Marchiones*, non *Duces*, appellat. Burcardus vixit sub Frid. I. Imp.

Teccensi Monasterium Ordinis S. Benedicti condidit, in quod
socios ex Hirsaugensi Cœnobia recepit. Donatio a Bertoldo *apud*
villam Neckergaugiæ Wilheim facta. (r)

§. XIII.

Bertoldus I. decepsit Anno 1077. in Castro Lyntberg, (s) Mors
sepultus Hirsaugiae. (t) Multi eum appellant *Barbatum*; (u) sed Bertoldi.
quo auctore, ignoro.

(r) Vid. *Cod. Dipl.* A. 1112.

(s) TRITHEMIUS in *Chron. Hirsaug.* A. 1077. ait, eum in quodam suo Castro
Lyntberg, naturaliter munito, obiisse. Castrum hoc in Traëtu Teccensi,
ubi plures arces Bertoldinae, situm fuisse videtur. HERZOGIUS in
Chron. Alsat. aliique plures Limpurgum Brisgoviae ad Rhenum hue
trahunt. Adde CONRADUM URSPERG. A. 1077. CHRON. CONSTANT.
apud PISTOR. pag. 666.

(t) CHRONOGRAPHUS SAXO, CHRONICON S. PANTALEONIS & CONRADUS
URSPERGENSIS ad A. 1077. Bertoldum ex dolore diem obiisse dicunt,
delirio correptum, quam late omnia vastari ab Henrico Imp. videret.
Tempus mortis ejus plerique Scriptores, Annalista & Chronographus
Saxo, Conradus Ursperg. Fragmentum historicum Alberti Arg. & Joh.
Trithemius in A. 1077. rejiciunt. Solus Bertoldus Constantiensis ad
Annum 1078. refert.

(u) GUILLIMAN. *Habsb.* Lib. IV. Cap. III. pag. 203. CHRON. FRIBURG.
pag. 4. CRUSIUS in *Annal. Suev.* Lib. VII. Part. II. Cap. III.
pag. 219.

Chara-
cter.

Morte ejus Germania Principem magnæ auctoritatis amisit; qui, amissio quoque Carinthiæ Ducatu, primores inter ubique comparuit; formidabilis Cæsari. In magna constitutus fortuna dignus fane fuit majore, quam tamen semper adversam expertus est. Enimvero inter ardentes illas Imperii & fæcerdotii lites quid speraret Bertoldus, vir pacificus, nec infensus Aulæ Rom. quam detestatus est Cæsar, bonam causam male defendens, & inter corruptos aulicos ac assentatores munera ac dignitates partitus, quas indignis frequentius, quam dignis, contulerat.

§. XIV.

Uxores.

Bertoldo I. duæ tribuuntur uxores, Richwara & Beatrix. „ Dux Bertholdus primus cum thori sui consorte Domina „ Richwara, in Charta Anno 1112. legitur, qua nepotes eorum Bertoldus III. & Conradus Duces, parentum & avorum fuorum donationes, Monasterio S. Petri, in Burgundia, Brisgangia & Neckergaugia factas, denuo confirmarunt. (x) Richwaram stirpis incertæ GUILLIMANNUS, (y) sed PISTORIUS (z) Marchionissam Carinthiæ, sine idoneo teste, appellat. Beatricis

(x) Codex Dipl. A. 1112.

(y) Habsburg. Lib. V. Cap. I. pag. 223.

(z) Tab. Genealog. Zaringia Ducum, quam MANLII Chron. Constant. adjecit, quod extat Tom. III. Scriptor. Rer. German. PISTORII ad pag. 742.

stirps perantiqua & nobilissima est. Fridericus II. Lotharingiae Mosellanicae Dux, Theodorici Ducis filius, Anno 1033. defunctus, ex conjuge Mathilda filias habuit *Beatricem & Sophiam.* (a) *Beatrix* nupsit Bonifacio Atestino, Tusciae Marchioni, mater facta Mathildis, Tusciae Comitissae. Sophia vero, Comitissa Barri, uxor fuit Ludovici, Comitis Moncionis & Montisbeliardae, ex quo matrimonio praeter Theodericum, Montisbeliardae & Phirrei Comitum saturem, (b) Fridericus Comes Barri & Moncionis, atque Beatrix, Bertoldi nostri uxor, prodierunt. Exponit hoc BERTHOLDUS CONSTANT. ad Annum 1093. quo Sophia deceffit:
 „ Nobilissima, inquit, Comitissa Sophia, vidua Ludovici Comitis,
 „ mater piæ memoriae Beatricis Ducis & Friderici Marchionis,
 „ in fenectute bona, cum jam multos filiorum videret, diem
 „ clausit extremum. „ Ne vero de Beatrice Ducissa remaneat dubium, adde eundem Bertholdum Constantensem ad Annum 1092.
 ubi obitum Beatricis refert; quam vocat fororem Friderici Marchionis, & uxorem quondam Bertoldi Ducis. Restat, ut probemus hanc Sophiam eam ipsam esse, de qua GENEALOGUS S. ARNULPHI loquitur. Bertholdus Constant. de Adelheidæ,

H 2

(a) *Genealogia S. Arnulphi apud DU CHESNE Script. Rer. Franc. Tom. II.*

pag. 643.

(b) *Vid. Alsat. Illustr. Tom. II. Tab. genealog. ad pag. 609. & pag. 617.*

Taurinensis Comitissæ, hereditate scribens, memorat, eam pertinuisse ad filium Friderici Marchionis, ex nepte Dominae Adelheidæ suscepsum. Fridericus autem Marchio filius erat Dominae Sophiæ & Ludovici Comitis; quæ materterea erat Comitissæ Mathildis, cuius Dominum id est, maritum vocat Ducem Guelphonem.

EN STEMMA:

Fridericus I. Lotharingiæ Mofellanicæ Dux, conditor
Castri Barr. SIGEBERT.. GEMBL, ad A. 945.

Theodericus Lotharing. Mofell. Dux.

Theodericus II. Dux † 1033. WIPPO. Ux. Mathildis Sueva

Beatrix, ux. Bonifacii Atest.
Marchionis Tusciae. Sophia, Comitissa Barri, ux.
Ludovici Comitis Moncionis
& Montisbeliardæ.

Mathildis Tusciae Comitissa
† 1115. Uxor Welphi,
Ducis Bavariae. Beatrix uxor
Fridericus Marchio,
Bertoldi I. Comes Moncionis
Ducis Zaring. † 1091.

§. XV

§. XV.

Plures Bertoldo I. liberos Tabula Genealogica, Chronico Filii Constantiensi apud Pistorium inserta, assignat; ex quibus nos Bertoldum II. Ducem, Hermannum Marchionem & Gebhardum, Episcopum Constant. notamus.

ANNALISTA SAXO & ABBAS URSPERG. (c) Bertoldo, Carinthiae Duci, filium ejusdem nominis tribuunt. Hermannum autem, qui Cluniaci obiit, fatorem Badæ Marchionum, **BERTHOLDUS CONSTANT.** filium quoque Bertoldi Ducis appellat. (d) Tituli eum opibus patris inter Bertoldum & Hermannum divisi sunt. Senior *Ducis*, junior *Marchionis* elogio inclamerunt. Uterque lineam suam propagavit, atque opes extendit. Linea Ducalis per Burgundiam & Arelatense Regnum, sed breviter duratura, se diffudit. Marchica durat hodieque, & ad Orientem latius se extendisset, nisi Carolus Andegavensis florentissimum Juvenem, Fridericum, pium & innocentem, A. 1268. neci dedisset. De Duce, qui filius senior Bertoldi I. fuit, aetatus sum, postquam de Gebardo, natu minore, nonnulla differuerunt.

H 3

(c) *Chron. ad Annum 1057.*(d) *Anno 1074.*

§. XVI.

Gebhardus Episcopus Constantiensis, appellatur *Bertoldi*
Ducis filius à BERTHOLDO CONSTANT. Hermanni Contracti
 Continuatore. (e)

Bertoldum nostrum heic intelligi, adeoque Gebhardum fratrem fuisse Bertoldi II. & Hermanni Marchionis, idem Auctor testatur; (f) fratrem eum vocans Bertoldi illius, qui A. 1092. a Suevis, Henrico IV. Imp. contrariis, creatus est Dux. In Charta quoque Bertoldi IV. de A. 1152. (g) *Gebhardus Episcopus* avi ejus, id est, Bertoldi II. frater memoratur. Gebhardus hic doctrina & moribus celebris A. 1083. Monachus Hirsaugiensis, (h) sub celebri illo Abate Guilielmo, atque anno sequenti ex Monacho in Episcopum Constantiensem electus, & a fratre suo, nec non a Guelfone Bavarо, cum magnis copiis in urbem Constantiam introductus est. (i)

(e) Ad Annum 1084.

(f) Ad Annum 1092.

(g) Apud SCHANNAT. *Vindem. Liter.* pag. 163.

(h) CHRON. HIRSAUG. ad A. 1083. edit. Francof. Part. II. pag. 78.

(i) BERTHOLD CONSTANT. ad A. 1084. CHRON. CONSTANT. apud PISTOR. p. 742. ponit A. 1085. CONRADUS, San-Biaf. Monachus, *Chronici Burgensis* auctor, *Gilbertum* eum vocat. Editum hoc Chronicon à Rev. Patre RUSTENO HEER, & junctum *Anonymo ejus denudato*, vid. pag. 368.

In Concilio Mogunt. anni seq. præsente Henrico IV Imp. Gebhardus hic, ut Episcopatus Constant. invasor, cum Hermanno Anti-Cæsare fuit proscriptus. (l)

In magno illo schismate Imperii & sacerdotii Pontificum Roman. partes defendit. Unde A. 1089. ab Ottone, Episcopo Ostiensi, Sedis Apostolicae per Germaniam legato, (m) consecratus fuit Presbyter cum aliis Clericis, quos inter quoque Bertholdus Constantiensis Chronographus ille, toties a nobis testis productus. Basileensis vero, Argentinensis, aliquique ad Rhenum Episcopi Cæsareae partes tum fuerant secuti. Decretalis Urbani II. Epistola in Concilio Romano Anno 1089. in *Actis Conciliorum* (n) hoc docet. Unde à Baronio vir apostolicus nominatur A. 1100. quo Apostolicam legationem Paschalis II. confirmavit Gebhardo. Hic A. 1092. electionem fratris sui, Bertoldi II. in Ducem Sueviae promovit; quæ a *Principibus Alemanniæ*, ut **BERTHOLDUS CONSTANT.** (o) scribit, inscio & invito Imperatore est facta.

(l) GALLI OEHENII *Chron. Monasterii Augia Div. Msc.*

(m) Qui dein factus Pontifex Rom. Urbanus II.

(n) Tom. X. Labb. pag. 444.

(o) *Append. ad Herm. Contract. A. 1092. Fragmentum Vrſij.* ad h. A. scribit:

„Principes Alemanniæ ad defensionem Ecclesiæ unanimiter convenerunt,

„sibique ad hoc negotium exequendum fratrem Gebehardi, Constantiensis

Anno 1093. VI. Kalend. April. Popponem Metensem Episcopum; Kalendis Augusti vero Monasterium San-Petrinum Silvae Nigræ consecravit.

Eodem anno, Gebhardi consilio habitus est apud Ulmam conventus, quo Welphus & Bertoldus Duces, aliique earum partium principes compactum in duos annos contra Henricum IV. Imp. iniverunt.

Anno 1094. magnam Constantiae Synodum celebravit, pro reformato disciplina Ecclesiæ, cuius Acta BERTHOLDUS (*p*) descripsit.

Anno 1108. novam Abbatiae San-Blasianæ Ecclesiam, quæ hodieque subsistit, dedicavit. (*q*)

Decessit Gebhardus Anno 1110. (*r*) postquam per XXVI. annos Ecclesiam Constant. varia inter fata rexisset; bis ex ea per

„ Episcopi, Bertoldum de Zeringen, Ducem totius Suevitæ constituerunt,
„ qui nondum aliquem Ducatum habuit, et si jam dudum nomen Ducis
„ habere confuevit.

(*p*) Anno 1094. *Acta Conciliorum Labbei* Tom. X. pag. 497.

(*q*) *Chron. S. Blasii OTTONIS de S. BLASIO*, quod periit; ex quo multa excerptis CASPAR. I. Abbas S. Blasii in *Origg. San-Blasianis* Mss. Addatur Cod. Msct. San-Blasianus, cui Tit. *Ordo Operis Dei*.

(*r*) In anno mortis Gebhardi & in annis regiminis ejus variant scriptores. MANLIUS in *Chron. Episcop. Conflant.* apud PISTOR. & MABILLON *Annal.*
Benedict.

per Cæfareanos ejectus; (s) quin etiam A. 1107. a Paschali II. in Concilio Trecensi suspensus; quod illis consenserat, qui Mindensi Ecclesiæ Godofalcum obtrusserant, quodque Archiepiscopum Magdeburgensem ordinaverat Henricum. (t)

§. XVII.

Filias num habuerit Bertoldus, ex Monumentis non Filia. liquet. Agnetem eius filiam tribuit PESLERUS, (u) quam Geyse, Hungariæ Regi, nupsisse existimat. Legimus apud Bertholdum

Benedict. Tom. V. pag. 464. in A. 1110. convenient. CHRON. ELWANG. A. 1109. & BRUSCHIUS Annum 1116. ponunt. Huic assenserat MABILLON Sec. VI. Benedict. Part. II. pag. 801. sed verius in Annalibus rem prodidit.

- (s) Temporis hoc intervallo Gebhardus maximam partem in Brisgovia apud Bertoldum Ducem Zaringiæ vixit. Vid. *Gallia Christi*. Tom. V. col. 909.
- (t) *Concilior.* Tom. X. col. 755. ubi corrupte Guichardus appellatur. Paschalis II. Papæ Epistolas quasdam ad Gebhardum vid. in *Thesauro Anecdotor.* MARTENII Tom. I. col. 336.
- (u) *Historische Nachricht der Herzogen von Zähringen,* in Hannover. Anzeige A. 1751. XIV. Stück pag. 324.

Constant. quod soror Bertoldi Ducis, Hungariæ Regina, A. 1090
decesserit. Sed hæc fuit Rudolphi Anti-Cæfaris filia, adeoque
soror Bertoldi illius Suevi, quem cum Bertoldis Zaringis Peslerus
aliisque permulti confuderunt; ut infra docebimus. Rudolphina
hæc Gisela Ladislai I. Hungariæ Regis, conjux fuisse videtur;
cui nuptiis secundis Adelheidis succedit.



CAPUT